

晉

略

冊二

晉略表二

州郡表

自然之謂形因然之謂勢皆不利之謂險皆利之謂要山川丘陵可依而不可阻也通津廣原可掩而不可扼也北人利陸吳粵濡須則奪其長南人利水魏遷合肥則致其短用險有道存乎面勢信矣蘇秦雖雄辨非簡練揣摩無以得從衡之權蕭何雖大略非先收圖籍無以決楚漢之勝左披右覽偏任則迷若必以書括圖則莫先于準望矣方位既辨遠近得職經之以山川緯之以道路盱八埏若示掌綜百代如屈指裴秀之論有足俾焉晉初論功惟平蜀爲大及乎受禪合君臣以謀吳故其建置割巴閬隸梁分陰平武都屬秦大拓豫境總江淮之會豈不以三分鼎足六七十年之閒眇有寧宇故不欲以敵國外患遺諸後嗣哉夫陽轍易鑒陰蹊難燭見敗于已形忘禍于未發此庸才所以苟安非所語于開基之哲后立功之上佐也當

泰始咸寧之時北邊六州民徙地棄全仍魏舊羌胡數擾盈庭動色
羊祜張華杜預王濬之傳奮庸選事眈眈江表未嘗一日忘及孫氏
歸命罷州郡之兵財存武吏數十人郭欽觥觥發策不售論者惜之
且以秦涼之急鹽啗陷脰之患而猶莫之省憂務恢南略又況展地
闢境方數千里塞下叛虜次第降獲此誠志意盈溢侈情塗飾之會
而欲動安卽危釋甘茹苦復秦漢之舊境立中外之大防徙三魏之
丁壯實西河之曠土豈所及哉豈所及哉江表士庶遭罹孫皓水深
火熱之苦旣入中國琅邪王伋及諸將帥先後撫接懷救新舊來蘇
之感旣深南度食報固其宜也建武太興之際無復北問中原之志
惟務安集江漢之閒以寧南紀然而八州軍府寓諸四郡司豫兗徐
青冀幽并
八州皆僑丹楊毘
陵廣陵淮南之境雖云嚴衛京邑乃是朶剝疲吐將吏猥多貲用儉
薄送迎割沒日月相繼夫婦有墊隘之困士馬無飽騰之實荆土有
釁雍湘莫制從逆則傳之羽翼守正則俄爲煨燹豈非儲侍有羸絀

舟楫有堅脆利鈍縣殊人事先定難以盡責之地利哉是故語其變也則金湯或委而去語其常也則三七莫斃而踰通材雅籌固莫能偏恃而偏廢已洛都全盛憂伏肩背內釁迭起外虞坐大太陽孟津東西並亟手足之扞不及頭目而枝葉披矣建康新造憂在腹心荆江饋運殫于疆事連城百數上供道絕局成反制加以跋扈商販一斷飢窮莫告而本根撥矣枝葉披則爲瓦解西晉之所以分裂也本根撥則爲土崩東晉之所以篡奪也北方堂奧山東關右櫛其物力實相鈞敵并州中處勢若縣衡然而西得之則足以併東東得之僅足以自立何也關中上流惟有秦隴秦隴底定梁涼自服于是據四塞之絕險資陸海之厚實奮其全力以爭太原上黨二郡嚮風則山東無堅城矣山東之地趙魏爲重北資幽平之馬足南虞兗豫之津濟招揖幽平連綴兗豫然後可以南規河洛西通上黨甚矣其難也就令得志使太行之險全歸封域然而東西兵食聲勢相隔進退援

引動須旬日譬猶騎闔而鬪敵跬步之際罽闕存焉自非北收上郡南通商維徒爭勝于蒲潼未見其能立決也劉淵初據平陽南陽王模全督關右陳安淳于定趙染之徒皆健將也麴允索綝賈疋咸策名守土劉琨枕戈陽曲志存雪恥張軌効忠武威貢計續路于斯時也可以有爲而模武不能出一旅之師文不能通一介之使蒲坂反噬長安面縛是爲不善用關中矣王浚之督幽冀也鮮卑烏桓供其驅策劉靈猖獗臨陳授首石勒狡悍凶鋒屢挫顧乃結怨越石自殘右臂誤任崔毖復夷左股遂致段國賣之而不覺子春玩之而坐斃可謂不善用幽冀矣昔在魏武發軔兗州以平河北及乎石勒先殘兗豫迺都襄國然則兗州亦山東之樞機也苟晞爲督先以酷暴失人心及其奔走高平自顧不暇然後膺上將之重寄握六州之符節方且縱慾壑填忠規頸雖甫鑱于蒙城魄固早奪于屠伯矣假令受任之初布德行惠樹基崇址三齊之民且將與之并命曹魏螳聚之

衆烏能有所震撼哉此亦有山東而不能用者也燕秦夏魏搏攫相尋迹其隆替矚然可覩嗟乎曹氏有關中矣吳蜀方強其勢未足以封植也晉武之世蜀亡吳弱其勢足以封植矣而帷幄之臣意存南牧坐失事機夫往而不可追者時也蹶而不可復者勢也區區江外奔迸轉側之餘內難未寧乃思恢復不亦遠乎桓溫入關兵不踰霸挫衄而返斯固無足言者至如宋武艱難奏捷旌麾甫動復淪異域豈惟易代之意盛抑亦堅凝之勢難且以王猛符融勵精圖治接鎮鄴都于慕容黷貨亡國之後者十有二年其初至也父老壺漿有復見太原之感其久鎮也豈無厭亂思治蒙安衽席之情然而農櫜夜呼應者四起姚興守文政非苛虐泓致喪邦實由內釁而且拓跋猗猗顧于河內赫連鷩匿于嶺北西人未閑于教訓東兵思歸而謳吟是故崔浩王買得之徒皆能策裕之必走豈如齊蜀克則有之可以擇才留鎮都無後慮哉然而青齊涼蜀恃險虞難閉關竊據聊足自娛

強則嵎虎之拒搏弱則狡兔之潛窟耳及其值真主命良將旬月之閒未嘗不指揮以收鞭笞以馭固非弔伐之主之所憑藉也楚漢以來分崩離析莫甚于晉更起迭踣變故萬端險阻形勝有奇必効是用表其郡縣審其方面以天體度分約其八道以今時府州證其所

在

實測天象一度當鳥道二百五十里準今營造尺二百里定爲二

十五分郡去州縣去郡皆曰幾度幾分其在今府州縣某方若干

里皆依據圖陰陽易處辨以山川

如某縣在今縣東西若干里而與書校審錄注今縣有山水南北之異者則注某

山水南北其南北若干里而有山水東西之異者亦如之若望文自了便不復注

僑置僭立兵爭要害略皆

注之至于割據分合檢尋難瞭別爲一表以從省約昔宛溪顧氏研精地理雖裹足鍵戶而囊括九州自明以前山經地志采摭無遺斯實崑門之偉業非微瑕之所類矣近世畢氏洪氏于兩晉疆域頗勤蒐輯然僅掇拾殘缺既不究其時事又不稽諸圖牒是以牴牾脫謬靡所甄明謏聞末學志存綜覈欲使一代成敗之由昭然可睹是用撫其要略證以一統志圖書集成圖表所不能通存其異義闕其里

漏尚祈來哲爲之晰疑釋滯焉

司州禹貢豫州冀州漢司隸及豫冀二州之地晉因魏都分河南置
滎陽郡分雍州之京兆置上洛郡廢東郡置頓丘郡平吳後定名司

州今河南省之開封懷慶彰德衛輝許州汝州陝州陝西省之商州
華州山西省之蒲州解州平陽澤州吉州隰州直隸省之大名廣

平順德山東省之
東昌臨清境地領郡十二縣百司隸治河南之洛陽西有蒲津殺

潼武關以控秦北有軹關天井白陘溢口以通晉東有轅轅成皋延

津白馬以筦宋衛齊魯懷帝永嘉末沒于漢元帝大興四年始置刺

史寄治合肥晉志云元帝度江僑置于徐
州今按合肥屬揚州非徐州尋治滎陽成帝延康五年

治襄陽穆帝永和十二年收復河南滎陽弘農上洛四郡還治洛陽

哀帝時沒于燕孝武帝太元九年收復東不至汲西不至弘農安帝

隆安中沒于後秦義熙十二年收復東不至汲北得河東而無河內

還治洛陽

河南郡今河南開封
許州汝州地北界河內東界滎陽及豫州之潁川西界弘

農南界豫州之襄城荊州之南陽太守曰尹領縣十二治洛陽東
晉改尹曰太守

洛陽縣今河南府東外城十二門南面四門正南曰平昌其東曰開陽其西曰宣陽又西曰

津陽一名建城東面三門正東曰東陽其南曰清明其北曰上東亦曰建春西面三門正西曰西明其南曰西陽其北曰

閭闔北面二門宮城四門南雲龍東萬春亦曰上東東廣莫西大夏金墉城

城中西陵雲臺金墉華林園城中西北邙山城北十里瀍水千金

竭城北宣武場東北澗水經城北至洛城東入洛金谷澗東北十里石梁塢豆田

壁七里澗東洛水南伊水洛水南夕陽亭西伊闕西南三十里張方

壘十三里橋西荊州漢置洛州二趙燕置豫州二秦置

河南縣郡西四分今府西

新安縣郡西十五分今瀨函谷新關西二十里八特阪關東

河陰縣郡東北五分今孟津縣治東河橋北小平津西硤石西二里

成皋縣郡東少北十八分今汜水縣北虎牢城西汜水南黃馬關西旋門關南

鞏縣

郡東十一分今

訾城

西南四里

轅轅關

西南四里

洛汭

虎牢西洛水入河處

緱氏縣

郡東南七分今偃

延壽關

南三

柏谷塢

東南十五里

石關

或誤

作石關西南二十五里

陽城縣

郡東南十五分今登

鄂阪關

北五里

嵩山

西北五十里

陽翟縣

郡東南一度

康城

西北三十里

梁縣

郡南少東十三分

今汝州西三十里

新城縣

郡南七分

陸渾縣

郡南少西十三分今

嵩縣東北三十里

弘農郡

州西一度十七分今

北界河東西界雍州之京北東界

河南南界上洛及荊州之順陽領縣六治弘農

弘農縣

今靈寶縣

函谷故關

東少南三十里

湖縣

郡西四分今

潼關

西六里

曹公壘

關東四十里

皇天原

華陰縣

郡西十五分今

渭汭

東北渭水入河處

定城

東十里

華澤

陝縣郡東八分今州治

太陽津

西北三里

砥柱

東四十里大河中

洛州

苻堅自宜陽徙治

澠池縣

郡東十九分今縣西十里蠡城西四

宜陽縣

郡東少南一度一分今縣西五十里洛水北

一泉塢

西洛州苻健

上洛郡

州西少南二度十分今商州陝州地

西北界雍州之京北東北界弘農南界

荊州之魏興東界荊州之順陽武關在其東境由此以出藍田則

制秦之閒道也領縣四本治上洛

上洛縣

今商州治

商縣

郡東九分武關

拒陽縣

今鎮安縣東南東晉置

盧氏縣

郡東少北二十一分今縣治

青州

苻健置

豐陽縣

郡西南二十一分泰始三年置今雒南縣東南志脫今補

荊州

苻健置

洛州

苻堅自陝城徙治

河內郡

州東北十四分今懷慶地

南界河南西界河東東界汲郡北界并州之

上黨面大河負太行以衛京邑領縣九治野王

後亦治懷

野王縣

今懷慶府治

沙城

在郡境

懷縣郡東九分今武陟縣西南十一里

平皋縣郡東少南七分今溫縣東二十里

州縣郡東南四分今溫縣西北十里

溫縣郡南少東五十里今縣南三十里李城今溫縣治

河陽縣郡西南八分今孟津縣西三十五里孟津南亦曰富平津河橋在焉三渚河東吳壘曲處

軹縣郡西少南八分今濟源縣南十五里軹關北三十里亦名衛關

沁水縣郡西北七分今濟源縣北少東四十里淇水亦名激水在濟水東

山陽縣郡東少北十分今脩武縣西三十五里

河東郡州西少北一度七分今蒲州府解州絳州地東界河內南界弘農北界平陽西

界雍州之馮翊領縣九治安邑

安邑縣今縣西二里高候原東二十里

聞喜縣郡東北八分今縣治東燕熙城北

垣縣郡東十三分今垣曲縣西北二十里裴氏堡東幽州符秦置于南

大陽縣郡南八分今平陸縣治東北紀要云在平陸東南五十里

河北縣亦名河曲郡西南十三分今芮城縣治東北襄邑堡東

蒲阪縣郡西南十六分今蒲州府東南五里蒲津西并州劉曜置雍州符堅置

猗氏縣郡西四分今縣東南二十里凍水東南

解縣郡西九分今臨晉縣東南十八里

汾陰縣或作汾陽誤郡西北十分今榮河縣北九里

平陽郡州西北一度十四分今平陽澤州絳吉隰三州地南界河東河內北界并州之太

原西河東界并州之上黨西境至河河以西不設郡縣今陝西省延安鄜州

地京師西北皆戎索特郡為屏蔽領縣十二治平陽

平陽縣今府治西北四十里柴壁南少西六十里汾水東匈奴堡西南七十里汾

水乾壁柴壁北雍州劉淵置

絳邑縣郡南十一分今曲沃縣西南二里

襄陵縣

郡東南三分
今縣治東 蒙阮南

濩澤縣

郡東南二十分
陽城縣西三十里 白澗山北東

端氏縣

郡東少南二十分
水縣東九十里 端氏鎮

楊縣

郡東北六分
洞縣東十八里 洪

永安縣

郡北少東十三
分今霍州治

蒲子縣

郡西北十八
分今隰州治 大昌郡置劉淵

狐譚縣

郡西北二十四分
和縣西南三十五里 石羊軍西南十五里魏置

北屈縣

郡西十八分
州東北二十一里 今吉

皮氏縣

郡西南二十二分
今河津縣治西 赤壁西北大河東岸

臨汾縣

郡南少西九分
平縣東南二十五里 今太

滎陽郡

州東一度
封許州懷慶地 西及西南皆界河南北界汲郡東界兗州

之陳留東南界豫州之潁川領縣八治滎陽

滎陽縣

今縣東北滎澤
縣西南十七里 廣武山一名敖鄩城北濱大河廣武

西二石門有二一在廣武東引河南流為汴渠一在廣武西

水京水須水皆北注之亦名鄭水既會汴則併汴不稱餘水矣汴渠在城東二十里分二渠一渠東行為汴一渠東北出

為官渡水過陳留北至梁國東復合于汴沈萊堰在西金隄在東麻田西管城東

七十里今鄭州治

京縣郡南少西四分今滎

密縣郡南少西十分今

苑陵縣郡南少東十一分今新鄭城今縣林渚今縣東二韓王

壘西

中牟縣郡東少南十二分今汴水北官渡城汴水官渡水城大河

開封縣郡東少南十七分汴水北

陽武縣郡東北十分即博浪大河北

卷縣郡東北六分今原大河北

汲郡州東北一度十一南界滎陽西界河內及并州之上黨東界

兗州之濮陽陳留北界魏郡領縣六治汲

汲縣

今衛輝府西

延津城

東三

東燕城

延津東南大河南岸今昨城縣西晉初省後封

東嬴公騰為東燕王

文石津硤硤津棘津石濟

皆大河津渡處在東燕白馬之閒總名延津渡

東燕郡

石勒置

獲嘉縣

郡西南五分今新鄉縣南二十里

新鄉城

今縣治燕慕容臧所築

延津舊關

東

脩武縣

郡西南十二分今縣治東

共縣

郡西北五分今輝縣治

重門

北二

林慮縣

郡北少西十八分今林縣治

朝歌縣

郡東北七分今淇縣治

黃橋南枋頭

淇水入河處

谷口戍

枋頭西

魏郡

州東北二度七分今彰德及衛輝大名境地

南界汲郡及兗州之濮陽東界陽平

頓丘北界廣平西界并州之上黨包太行鍵兗冀戰守要區然非

植根澤潞則建瓴之勢操之鄰敵領縣八治鄴

鄴縣

今臨漳縣西四十里

三臺

城內西

紫陌浮橋

西北

石瀆

東

蒲池

東華北

林苑

城北漳水上

東明觀

東

混橋

東

司州

石虎置

中州

燕冀州置

符堅

安陽縣

郡西南八分今彰德西南四十里

蕩陰縣

郡南少西十分今湯陰縣治西南

長樂縣

郡南少東六分今彰德府東四十里

黎陽縣

郡南少東十四分今濬縣治西

大河東孫就柵北

內黃縣

郡東南十二分今縣治西北

魏縣

郡東少北九分今成安縣東三十里

斥丘縣

郡東北八分今成安縣東南十三里

頓丘郡

州東北二度十五分今大名府及彰德府境地

西界魏郡南界兗州之濮陽東界

兗州之東平北界陽平領縣四治頓丘

頓丘縣

今清豐縣西南二十五里

衛國縣

郡東少北五十分今觀城縣西十五里

陰安縣

郡北少東五十分今清豐縣北二十五里